

STARZ SPEAK

SRI SHARADA CHALISA

॥ दोहा ॥

मूर्ति स्वयंभू शारदा,
मैहर आन विराज ।

माला, पुस्तक, धारिणी,
वीणा कर में साज ॥

॥ चौपाई ॥

जय जय जय शारदा महारानी,
आदि शक्ति तुम जग कल्याणी।

रूप चतुर्भुज तुम्हरो माता,
तीन लोक महं तुम विख्याता॥

दो सहस्र वर्षहि अनुमाना,
प्रगट भई शारदा जग जाना ।

मैहर नगर विश्व विख्याता,
जहाँ बैठी शारदा जग माता॥

त्रिकूट पर्वत शारदा वासा,
मैहर नगरी परम प्रकाशा ।

STARZ SPEAK

SRI SHARADA CHALISA

॥ चौपाई ॥

सर्द इन्दु सम बदन तुम्हारो,
रूप चतुर्भुज अतिशय प्यारो ॥

तुलसी सुर्य आदि विद्वाना,
शारदा सुर्यश सदैव बखाना ॥

कोटि सुर्य सम तन द्युति पावन,
राज हेम तुम्हारो शचि वाहन ॥

कालिदास भर अति विख्याता,
तुम्हरी दया शारदा माता ॥

कानन कुण्डल लोल सुहवहि,
उर्मणी भाल अनूप दिखावहिं ॥

वाल्मीकी नारद मुनि देवा,
पुनि-पुनि करहिं शारदा सेवा ॥

वीणा पुस्तक अभय धारिणी,
जगत्मातु तुम जग विहारिणी ॥

चरण-शरण देवहु जग माया,
सब जग व्यापहिं शारदा माया ॥

ब्रह्म सुता अखंड अनूपा,
शारदा गुण गावत सुरभूपा ॥

अणु-परमाणु शारदा वासा,
परम शक्तिमय परम प्रकाशा ॥

हरिहर करहिं शारदा वन्दन,
वरुण कुबेर करहिं अभिनन्दन ॥

हे शारद तुम ब्रह्म स्वरूपा,
शिव विरंचि पूजहिं नर भूपा ॥

शारदा रूप कहण्डी अवतारा,
चण्ड-मुण्ड असुरन संहारा ॥

ब्रह्म शक्ति नहि एकउ भेदा,
शारदा के गुण गावहिं वेदा ॥

महिषा सुर वध कीन्हि भवानी,
दुर्गा बन शारदा कल्याणी ॥

जय जग वन्दनि विश्व स्वरूपा,
निर्गुण-सगुण शारदहिं रूपा ॥

धरा रूप शारदा भई चण्डी,
रक्त बीज काटा रण मुण्डी ॥

सुमिरहु शारदा नाम अखंडा,
व्यापड नहिं कलिकाल प्रचण्डा ॥

STARZ SPEAK

SRI SHARADA CHALISA

॥ चौपाई ॥

सुर्य चन्द्र नभ मण्डल तारे,
शारदा कृपा चमकते सारे॥

परमानन्द मगन मन होई,
मातु शारदा सुमिरई जोई॥

उदभव स्थिति प्रलय कारिणी,
बन्दउ शारदा जगत तारिणी॥

चित्त शान्त होवहिं जप ध्याना,
भजहुं शारदा होवहिं जाना॥

दुःख दरिद्र सब जाहिंन साई,
तुम्हारीकृपा शारदा साई॥

रचना रचित शारदा केरी,
पाठ करहिं भव छटई फेरी॥

परम पुनीत जगत अधारा, मातु,
शारदा ज्ञान तुम्हारा॥

सत् - सत् नमन पढीहे धरिध्याना,
शारदा मातु करहिं कल्याणा॥

विद्या बुद्धि मिलहिं सुखदानी,
जय जय जय शारदा भवानी॥

शारदा महिमा को जग जाना,
नेति-नेति कह वेद बखाना॥

शारदे पूजन जो जन करहिं,
निश्चय ते भव सागर तरहीं॥

सत् - सत् नमन शारदा तोरा,
कृपा द्रिष्ट कीजै मम ओरा॥

शारद कृपा मिलहिं शुचि जाना,
होई सकल्विधि अति कल्याणा॥

जो जन सेवा करहिं तुम्हारी,
तिन कहँ कतहुं नाहि दुःखभारी ।

जग के विषय महा दुःख दाई,
भजहुं शारदा अति सुख पाई॥

जोयह पाठ करै चालीस,
मातु शारदा देहुं आशीषा॥

परम प्रकाश शारदा तोरा,
दिव्य किरण देवहुं मम ओरा॥

STARZ SPEAK

SRI SHARADA CHALISA

॥ दोहा ॥

बन्दऊँ शारद चरण रज,
भक्ति ज्ञान मोहि देहुँ।
सकल अविद्या दूर कर,
सदा बसहु उगेहुँ।
जय-जय माई शारदा,
मैहर तेरौ धाम ।
शरण मातु मोहिं लिजिए,
तोहि भजहुँ निष्काम ॥

॥ इति श्री शारदा चालीसा ॥

